

四庫全書

史部

欽定四庫全書

史部

欽定滿洲源流考卷十一

翰林院編修臣謝墉覆勘

總校官編修臣程嘉謨

欽定四庫全書

欽定滿洲源流考卷十

疆域三

渤海國境

新唐書渤海本粟末靺鞨保挹婁之東牟山

按東牟山史志皆言在瀋陽城東二十里今天柱山也舊唐書作桂婁與此異直

營州東二千里以泥河為境

按元一統志引契丹地理志云湏水

即古泥河也自東遼流數百里至遼陽鎔蓄不流有蘄茅草生於泊中故名蘄茅泊明一統志

從之又以朝鮮大通江為湏水考盛京通志
泥河在海城縣西南六十五里蓋平縣北五十
五里源出聖水山流至米真山西散漫為遼
時之薪牛泊與朝鮮界內之湏江不同也

窮海西契丹築城郭以居萬歲通天中度遼水

保太白山之東北阻興婁河樹壁自固

按太白山即長白

興婁河當為阿魯河源出吉林諧班和託峯一
西南流入哈達河一流至開原城東南入清河
是時契丹李盡忠殺營州都督趙文翹故渤海退保於此

後乃建國地方五

千里戶十餘萬盡得夫餘沃沮弁韓

俱另條見前

朝

鮮海北諸國有五京十五府六十二州

通考渤海國王大武藝斥大土宇東北諸國畏臣之

遼史渤海王大仁秀南定新羅

另條見前

北略諸部

開置郡邑

遼史渤海大氏始保挹婁東牟山武后時為契丹盡忠所逼有乞乞仲象者度遼水自固傳子祚榮建都邑併吞海北地方五千里中宗賜所都為忽汗州封渤海郡王十有二世至曷震稱

號改元建宮闕有五京十五府六十二州為遼

東盛國

按遼史所稱凡渤海拓地改元及五京十五府六十二州之建皆自國王大彝

震始據唐書及通考國王大祚榮已謚高王祚榮子武藝已改元仁安武藝子欽茂已徙上京

又徙東京自大祚榮以後無不稱號改元者遼史所云未得其實

元史遼陽路唐以前為渤海所有

忽汗州 忽汗城

新唐書睿宗先天中拜大祚榮為渤海郡王以

所統為忽汗州領忽汗州都督

唐賈耽道里紀遼水至安東都護府五百里

府故漢襄平城也

按安東都護府本在平壤儀鳳初移此

東南至

平壤城八百里西南至都里海口六百里至建

安城三百里故平郭縣也南至鴨綠江北泊灼

城七百里故安平縣也自都護府東北經渤海

長嶺府

見後

千五百里至渤海王城城臨忽汗海

其西南三十里有古肅慎城其北經德理鎮

按此

即唐會要所云德理府也渤海無德理府之名此作鎮為是

至南黑水靺鞨

千里

按此為營州陸行至渤海之路渤海大祚榮所都在長白山東北大欽茂又東徙三

百里直忽汗河之東今寧古塔呼爾哈河也呼爾哈河通於寧古塔城西南一百里之畢爾騰湖湖廣五六十里袤七十里許中有三山即所謂忽汗海也又自發庫東繞寧古塔城旁古大城之南東北流與混同江合明一統志稱呼里改江出建州衛東南山下東北匯為鏡泊又北入混同江呼里改即呼爾哈鏡泊即畢爾騰湖之異名也德林石在其北即德里鎮所在也然則渤海上京及忽汗城實在寧古塔城旁其後國王世襲忽汗州都督之號凡五京皆有忽汗州之稱矣

唐賈耽道里紀登州北海行至鴨綠江口舟

行百餘里又小舫泝流三十里至泊汊口得渤

海之境又自顯州

見後

正北如東六百里至渤海

王城

按此為登州海行至渤海王城之路

五代會要唐中宗命侍御史張行岌往渤海宣

慰號其都為忽汗州

遼史忽汗州故平壤城也號中京顯德府太祖

攻渤海拔忽汗城俘其王大諲譔以為東丹王

國

按通考平壤城即漢樂浪郡王險城自慕容
鮮卑代後徙都此城亦曰長安城南臨渭水

平壤城東北有魯陽山西南二十里有章山考之圖志皆合實在今朝鮮境內高麗國經亦云平壤城在鴨綠水東南顯德府在今遼陽以北忽汗州非平壤城亦非顯德府遼史俱誤渤海王於天寶末徙上京貞元時徙東京未幾仍還上京天寶中又曾都顯州蓋既設五京則隨時移駐史固不能詳而當中京破時國王適在彼耳

遼史天顯元年正月丙寅夜圍忽汗城庚午駐軍於忽汗城二月丙午改渤海為東丹忽汗城

為天福冊皇太子貝為人皇王以主之

按遼史所稱忽

汗城皆渤海中京顯德府城為今遼陽非上京之忽汗城也

上京 龍泉府

新唐書以肅慎故地為上京曰龍泉府領龍湖

渤海三州

通考天寶末渤海王大欽茂徙上京直舊國三

百里忽汗河之東

按渤海舊國在長白山東北今又東北徙三百里在呼爾哈

河之東實與今寧古塔城相近呼爾哈河源出吉林界色齊窩集中諸河匯為一大河東注鏡泊又東出繞寧古塔城旁古大城及覺羅城之南復東北折入混同江唐賈耽所云渤海王城臨忽汗海者蓋即鏡泊 盛京通志寧古塔城旁古大城或即上京舊址與

遼史
上京懷州夫餘縣本龍泉府太祖遷夫餘

降戶於此世宗置縣

按遼史此條殊誤懷州奉陵軍本唐歸誠州太宗行

帳放牧於此天贊中徙太祖破夫餘城下龍泉府俘其人築寨居之太宗懷陵在焉故州軍以是為名歸誠州為唐契丹羈縻州本屬遼地為太宗放牧之所非渤海上京明矣

龍州

遼史太祖破龍州盡徙富利縣人散居京南長

霸縣本龍州長平縣民遷於此

按龍州所屬縣名僅見富利長

平二縣餘無可考又按契丹與渤海攻戰次第具載太祖本紀太祖天贊二年十二月出兵先

破夫餘府次至中京顯德府是時渤海王適在中京故為所獲太祖入城祭告天地復還軍中二月安邊鄭頤南海定理府降三月己巳安邊鄭頤定理府復叛丁丑三府平乙酉班師五月南海定理二府復叛七月顯德府之鐵州亦叛大元帥平之是月太祖還次夫餘府又自三月遣將攻長嶺府八月始下並未嘗遠及龍州而渤海仍自為國迄於遼末猶存龍州之破僅於此見之或率兵至此俘掠人口而還不能有其地也

高麗載紀初契丹以鴨綠江北地予高麗高麗

築六城有龍州城

按遼史外紀云契丹取女真國鴨綠江東數百里賜高麗是鴨

綠江東北地皆與高麗故得於龍州築城後復為女真所取今考自鏡泊至朝鮮界約五百里

則與渤海之龍州當不甚遠蓋遼太祖
破龍州遷其人而空其地以予高麗也

湖州

遼史東京湖州興利軍渤海置

渤海州

遼史渤海州清化軍渤海置貢珍縣亦渤海置

按遼

地志云遼以征伐俘戶建州祿要之地多因舊
居名之故渤海州縣遼移其名於他所者十之
五六如建州在長白山而遼移之廣寧西北其
明證也遼志中稍為分別者如曰某州本渤海
某州民戶則為遼所移曰某州渤海置則似仍
渤海之舊然如遼史稱集州高麗為霜巖縣渤

海置州今考霸巖縣屬唐州無
集州之名則史文固有疎略也

中京 顯德府

新唐書上京之南為中京曰顯德府領盧顯鐵

湯榮興六州

按顯德府所屬西至醫巫閭山當在上京之西南

遼史渤海中京顯德府天顯三年升為南京十

三年改南京為東京府曰遼陽統縣九遼陽縣

本渤海金德縣地漢沮水縣高麗為句麗縣渤

海為常樂縣

按沮水縣漢屬東樂浪郡渤海鴨綠府所屬之沮水縣是也遼志誤

仙鄉縣本漢遼隊縣地渤海為永豐縣鶴野縣

本漢居就縣地渤海為雞山縣興遼縣本漢平

郭縣地渤海為長寧縣

按顯德府屬縣遼志沿革具存今附錄如上又

有析木紫蒙二縣遼屬遼陽府而渤海分屬銅州蒙州今各附本條又肅慎歸仁順化三縣則

遼所自置非渤海之舊遼永州之長寧縣又遼長寧民所置亦非舊地也

鴨江行部誌廣寧本陽羅郡渤海為顯德府

按廣

寧東北界渤海屬東平府其西南之境為顯德府屬

明一統志遼隊廢縣在海州衛西六十里渤海

曰永豐縣遼改仙鄉縣鶴野廢縣在遼東都司

城西八十里渤海為雞山縣元省入遼陽

按明志顯

德屬縣僅載此二邑今考常樂故縣在遼陽城內長寧縣在遼陽西南蓋平之東永豐縣在海城縣西六十里遼水東岸明時有永豐堡亦在海城縣西南六十里也

盧州

遼史東京盧州本渤海杉盧郡

按杉盧郡即渤海之盧州顯德

府之支郡也

故縣五山陽杉盧漢陽白巖霜巖皆廢

戶三百在京東一百三十里統縣一熊岳縣西

至海十五里傍海有熊岳山

按遼廬州所治為熊岳縣今熊岳城

也金廢州以熊岳屬蓋州渤海廬州所屬五縣至遼止三百戶故但治熊岳一縣已非渤海之

舊矣

遼史東京巖州白巖軍本渤海白巖城太宗撥

屬瀋州白巖縣渤海置

按唐太宗貞觀十九年伐高麗既得遼州進軍

白巖城克之置巖州後屬渤海白巖縣當即其地今考巖州古城在遼陽州城東北五十七里

石城山上周圍四里一門又遼營衛志云敦睦宮以渤海巖州戶置是渤海亦有巖州之稱蓋

隨時移置而史不能詳也

顯州

唐賈耽道里紀自神州

見後

陸行四百里至顯州

天寶中王所都

按顯州為王都當為顯德府附郭之州今次於盧州之後疑史

有誤

遼史東京顯州本渤海顯德府地世宗置以奉

顯陵州在醫巫閭山東南

按渤海顯州實今遼陽州地遼之顯州不

言渤海所置然亦係顯德府之地

松漠紀聞廣州

見後

百三十里至梁漁務又八十

五里至沙河五十里至顯州

鐵州

五代史自錦州行五六日過海北州又行十餘日渡遼水至渤海鐵州又行七八日過南海府

按此為晉侯入契丹所行之遠一
南一北故迂其程未足為憑也

遼史鐵州本漢安市縣地高麗為安市城唐太宗攻之不下薛仁貴白衣登城即此渤海置州故縣四位城河端蒼山龍珍皆廢戶一千在京

西南六十里

按明一統志安市城在蓋州衛東北七十里唐貞觀十九年征高麗

攻安市城不克引還咸亨三年高祖擊敗高麗餘衆於安市城渤海置鐵州即此地志安市城外有駐蹕山考駐蹕山凡數處一為首山唐書稱馬首山遼史稱手山在遼陽城西南十五里接海城縣界唐太宗初渡遼水攻遼州時駐營之山也一在安市城外唐太宗既得遼州巖州進攻安市所駐之山唐書所載駐蹕山是也又蓋平東百十餘里分水嶺諸山亦傳唐太宗駐蹕處又駐蹕山本名六山則醫巫間也又海城縣西南十里有平頂山一名車駕山又名唐望山亦相傳唐太宗駐蹕處而首山與安市城外之駐蹕山地志多混為一山附考於此

領

縣一湯池

按今蓋平城東北六十里有湯池堡當即湯池縣遺址也

遼史天顯元年七月鐵州刺史衛鈞反大元帥
耀庫濟攻拔之

鴨江行部誌湯池縣本遼時鐵州以其東有鐵

嶺故名

按明一統志載初置鐵嶺衛在今鐵嶺城東南五百餘里故鐵嶺城與高麗接

界洪武二十六年方移其名於今治所則鐵嶺之名實本於此金廢鐵州以湯池屬蓋州

湯州

遼史東京湯州本漢襄平縣地故縣五靈峯常

豐白石均谷嘉利皆廢戶五百在京西北一百

里

按遼史雖未言渤海所置然所屬故縣皆渤海縣名其為即渤海之湯州無疑明志湯州

故城在遼東都司城北

遼史東京乾州靈山縣本渤海靈峯縣地

按乾州為

漢無慮縣地無慮本因醫巫閭山得名則靈峯當亦相近

金史北京懿州靈山縣本渤海靈峯縣地

按遼亦有

懿州而靈山則屬乾州考明一統志乾州在廣寧衛西南七里懿州在廣寧衛北二百二十里

蓋金時廢乾州而以靈山縣移隸懿州也

榮州

遼史東京所屬有榮州

原文不載沿革蓋作史時已無可考然遼東京

有榮州為渤海所置所統縣名亦係渤海之舊而新唐書不載史云在東京東北一百五十里與鐵湯等州相近遼史本文亦與湯興二州相次疑即榮州以字形相近而誤又複出也今詳後於

興州

遼史興州本漢海宜縣地渤海置州故縣三盛

吉蒜山鐵山皆廢戶二百在京西南三百里

按明

人地志有以興州為鐵嶺縣之懿路城者考金志云瀋州挹婁縣遼舊興州常安縣懿路即挹

婁之詠也則遼之興州始實移於挹婁後乃復
渤海之舊又遼志云遼陽府東西南三面皆抱
海南至海邊鐵山八百里今考鐵山在寧海西
南百五十里為濱海要地興州所統縣名或取

此
與

松漠紀聞銀州南鋪五十里至興州四十里至

蒲河

按遼銀州即渤海富州今鐵嶺
縣蒲河源出承德西北四十里

東京 龍原府

新唐書濊故地為東京曰龍原府亦曰柵城府

領慶鹽穆賀四州

新唐書龍原東南瀕海日本道也

通考唐貞元時渤海王大欽茂東南徙東京

遼史東京開州本濊地渤海為東京龍原府有

宮殿都督慶鹽穆賀四州故縣六曰龍原永安

烏山壁谷熊山白楊壘石為城周二十里唐薛

仁貴征高麗與其大將溫沙門戰熊山擒善射

者於石城即此太祖平渤海徙其民城遂廢聖

宗伐新羅

按聖宗曾伐高麗此言新羅誤

還周覽城基復加完

葺領縣一開遠縣本柵城地高麗為龍原縣渤海

海因之

按一統志開州城在朝鮮咸興府西北熊山城在開州西蓋自鳳凰城遼外東

南至朝鮮之江原道皆蕨地又鳳凰城北六十里有沃赫和屯周二里餘或即渤海石城遺

址歟

慶州

遼史東京開州高麗置慶州渤海為龍原府上

京永安縣本龍原府慶州縣名太祖平渤海遷

其人置寨於此

按一統志開州遼末復入於高麗謂之蜀莫郡開遠廢縣故開

州治也渤海為龍原縣慶州治焉則慶州為龍
原府附郭之州而龍原縣為附郭之縣永安島
山壁谷熊山白楊五縣亦為慶州所屬明矣非
朝鮮慶尚道之慶州也又金有慶州係遼懷州
祖州之地
亦與此異

鹽州

遼史東京鹽州本渤海龍河郡故縣四海陽接

海格川

舊訖格州今據一統志改

龍和皆廢隸開州相去一

百四十里

按一統志鹽州城在朝鮮開州城西北本渤海置亦曰龍河郡

穆州

遼史東京穆州本渤海會農郡故縣四會農水

岐順化美縣皆廢隸開州東北至開州一百二

十里統縣一曰會農

按一統志穆州亦在今朝鮮境開州西南

賀州

遼史東京賀州本渤海吉理郡故縣四洪賀送

誠吉理石山皆廢戶三百隸開州

按一統志賀州城遼末入

於朝鮮

南京 南海府

新唐書沃沮故地為南京曰南海府領沃晴椒

三州

新唐書南海新羅道也

遼史東京海州南海軍本沃沮國地渤海號南

京南海府疊石為城幅員九里都督沃晴椒三

州故縣六沃沮驚巖龍山濱海昇平靈泉皆廢

按沃州為南海府附郭則沃沮亦附郭邑也驚
巖當即岫巖城在今蓋平縣東二百五十里

遼史天顯元年三月渤海南海府節度來朝五

月南海府復叛遣大元帥耀庫濟討之

舊五代史自鐵州行七八日至南海府

元一統志澄州本海州南海府沃沮地高麗時

卑沙城唐李世勣攻卑沙城即此渤海為南海

府遼仍之金改曰海州天德三年以山東有海

州改為澄州治臨溟縣

按金史不詳沿革
今從元一統志

明一統志海州衛在遼東都司城南一百二十

里本蓋牟地高麗為卑沙城渤海國為南海府

遼為海州治臨溟縣金為澄州

按沙卑城亦曰卑沙或訛為卑

奢城隋大業十年來護見出海道至卑奢城敗高麗兵將趨平壤高麗降唐貞觀十八年伐高麗張亮率舟師自東萊渡海襲卑沙城其城四面懸絕惟西門可上唐兵攻拔之總章初李世勣復得其城殺入渤海元時州縣俱廢明洪武九年改築衛城周六里有奇今為海城縣

沃州

新唐書契丹州十七沃州載初中析昌州置萬

歲通天元年沒於契丹李盡忠縣一濱海又昌

州貞觀二年以松漠部落置僑治營之靜蕃戍

縣一龍山

按此為渤海沃州及濱海龍山二縣得名之自其實唐沃州故地在今喀

喇沁境內古大寧城北蓋渤海移其州縣名於沃沮故地也沃州為南海附郭之州則沃沮驚

岩龍山濱海昇平靈泉

等六縣皆沃州所屬

晴州

遼史嬪州本渤海晴州故縣五天晴神陽蓮池

狼山仙巖皆廢戶五百隸海州東南至海州一

百二十里

按海城西南有蓮花泊或即蓮池故縣所屬

椒州

遼史耀州本渤海椒州故縣五椒山貂嶺漸泉

尖山巖淵皆廢戶七百隸海州東北至海州二

百里統縣一巖淵縣東界新羅故平壤城在縣

西南東北至海州一百二十里

按遼之耀州即渤海椒州故縣

五皆廢巖淵雖仍舊名似亦稍移其治矣據史所稱耀州在海州西南二百里巖淵在海州西

南一百二十里海州為今海城地耀州今有耀州和屯按之輿圖皆合惟是遼史稱故平壤城

又在巖淵西南實為舛誤據通考遼水東南四百八十里至鴨綠水平壤又在鴨綠水東南四百八十里安得反在巖淵西南也原其致誤亦自有由蓋平壤南臨洧水而海城西南有淤泥

河亦有須水之稱此遼史之誤所由來然遼史
既以顯德府為忽汗州又以忽汗州為即平壤
城而此又謂平壤在岩淵西南亦自相矛盾之
甚矣又今耀州城在海城縣西南僅六十里里
數與遼史不符考明一統志臨瀛廢縣在海州
衛東一百八十里為故海州所治元時州縣並
廢則係明設衛時移近西南百八十里耳今海
城縣治實在明海州衛舊址 本朝天命八年
復即舊城東
南隅建新城

明一統志廢耀州在海州西南二百里渤海椒
州地

西京 鴨綠府

新唐書高麗故地為西京曰鴨綠府領神桓豐

正四州

新唐書鴨綠朝鮮道也

朝鮮舊訛朝貢
今據通考改

遼史涿州鴨綠軍本高麗故國渤海號西京鴨

綠府城高三丈廣輪二十里都督神桓豐正四

州事故縣三神鹿神化劍門皆廢大延琳叛遷

餘黨於上京置易俗縣居之在者戶二千

按涿
州城

在平壤西境因鴨綠江為名也鴨綠
江之綠北史新唐書遼史俱作綠

遼史太祖破鴨綠府盡徙神化縣民居京之南

神州

唐賈耽道里紀自鴨綠江口舟行百餘里又小

舫泝流東北三十里至泊汊口得渤海之境又

泝流五百里至九都縣見後城故高麗王都又東

北泝流二百里至神州

按據此則神州在鴨綠江口東北泝流八百里

九都縣東北二百里與遼史所言桓州在涑州西南二百里者合則九都為桓州附郭之邑而

神州即鴨綠府

附郭之州也

桓州

遼史桓州高麗中都城故縣三桓都神鄉湏水

原作淇水誤今據一統志改

皆廢高麗王於此創立宮闕國

人謂之新國五世孫釗晉康帝建元初為慕容

皝所敗宮室焚蕩戶七百隸涿州在西南二百

里

按通考漢末高麗王伊夷模作新國於九都山下即所謂九都城也魏正始五年毋丘儉

將萬人出元菟懸車東馬登九都山屠其所都六年儉復伐之刻石紀功刊九都銘不耐而還

至晉建元初復為慕容皝乘勝追至九都焚其宮室自後移都平壤城則桓都即九都也桓州

之名亦取諸此今考九都故城在高麗王京東北賁耽紀言在神州西南二百里鴨綠江口東北六百餘里與此正合渭水今朝鮮大通江漢樂浪郡有渭水縣此蓋仍其舊名也

豐州

遼史豐州渤海置盤安郡故縣四安豐渤恪隰壤破石皆廢戶三百隸淶州在東北二百一十里

正州

遼史正州本沸流王故地國為公孫康所併渤

海置沸流郡有沸流水戶五百隸涿州在西北

三百八十里統縣一東那縣本漢東耐縣地在

州西七十里

按通考魏正始五年涿州刺史毋丘儉出元菟討高麗戰於沸流高

麗王位宮敗走儉追至頓峴登丸都山屠其所都則沸流固應與桓都相近亦今朝鮮境內地又按漢時無東耐縣名惟樂浪郡有東曉而不兩縣不而城在朝鮮咸興府而與耐古字相通魏志云漢武置樂浪郡自單大嶺以西屬樂浪自嶺以東都尉主之皆以濊為民所謂不耐濊也毋丘儉銘不耐城即此今遼史作漢東耐似誤

謹按渤海為遼東盛國地方五千里有五京十

五府六十二州契丹兵爭舊址漸毀其州縣之名藉遼史地理志存其梗概而或地併於鄰州或名移於他所遼以征伐所得人戶建城置戍即因其人舊居州縣之名名之遼志所載已十之五所未載者按其方位尚可討尋五京之地遼並隸東京其他或予高麗或尚為渤海遺民所保而府州之名盡載遼籍有經遼時更置者自應屬遼有僅列其名而史不能稽其沿革者

當亦羈縻州之比未能實有其地也金興省併
州邑因時制宜元亦多仍部族之舊州縣之設
簡矣因流溯源參之他書亦可得其分合之故
焉有因傳寫字訛者如九都粗都沮水淇水之
類有與高麗同名者夫餘慶州之類至於元明
沿革及我

朝所隸並附注於下約其大概上京在寧古塔中
京在遼陽東京在朝鮮開州南京在海城縣西

京濱鴨綠江五京五府而外長嶺夫餘等十府
及郢銅等州並詳列於後云

渤海 長嶺府

新唐書長嶺府領瑕河二州

按瑕州無考當爲附郭之州遼廢

新唐書長嶺營州道也

遼史東京長嶺府

原文不詳沿革之由當即仍渤海之舊

遼史本紀太祖天顯元年遣康默記韓延徽攻

長嶺府八月下長嶺府

按長嶺亦作長領古字相通今吉林西南五百

里有長嶺子滿洲語稱郭勒斂珠敦南接納魯窩集北接庫魯納窩集自長白山南一嶺環繞至此為衆水分流之地東北流為遼吉善輝發等河入混同江西北流為英莪占尼哈達葉赫赫爾蘇等河長嶺府之名當取諸此錦州復州雖亦有長嶺皆不如此之最著也

河州

遼史河州德化軍置軍器坊

按明人地志云廢河州在黃龍府北

遼置河州有軍器坊又引一統志開元東北五百里有穩圖河源出坊州北山北流入松花江所謂坊州疑即河州矣考遼金無坊州第因河州有軍器坊而遂以坊州屬之亦恐未足為憑也

夫餘府

新唐書夫餘故地為夫餘府常屯勁兵捍契丹
領扶仙二州

新唐書夫餘契丹道也

遼史東京龍州黃龍府本渤海夫餘府太祖平
渤海還至此有黃龍見更名保寧七年軍將燕
頗叛府廢開泰九年遷城於東北所屬黃龍縣
本渤海長平縣併富利佐慕肅慎置遷民縣本
渤海永寧縣併豐水扶羅置永平縣渤海置

遼史東京通州安遠軍本夫餘國王城渤海號

夫餘城太祖改龍州聖宗更今名保寧七年以

黃龍府叛人燕頗餘黨置所屬通遠縣本渤海

夫餘縣併布多縣置安遠縣本渤海顯義縣併

鵲川縣置歸仁縣本渤海強師縣

按金史渤海強師縣北有

細河併新安縣置漁谷縣本渤海縣

按夫餘府地鄰契丹遼改

黃龍府在今開原縣及開原邊外之境扶仙二州遼時俱廢扶州即因夫餘得名當為附郭所屬縣名見於遼史屬龍州者八屬通州者六當即扶仙二州所隸第遼史既言改夫餘府為龍

州又言改龍州為通州而所置諸縣或沿或併
尚仍其舊史有訛誤疑遼之龍州其地本廣因
燕頗之後舊治已廢間秦中移黃龍府於東北
又分置通州也黃龍府所屬長平等縣為扶州
屬邑通州所屬夫餘等縣即為仙州屬縣也又
按渤海夫餘府與契丹為鄰未能過開原以北
遼之黃龍府境又稍廣舊五代史言北至混同
江僅百里則又遼史遼府於東北之明證也

遼史太祖天贊四年十二月丁巳夜圍夫餘府

天顯元年正月拔之

舊五代史後唐天成元年十一月登州狀申契
丹攻逼渤海自契丹主卒雖已抽退尚留兵馬

在夫餘城今渤海王弟領兵攻圍夫餘城契丹
新五代史後唐明宗時契丹攻渤海取夫餘一
城以為東丹國

宋史後唐天成初契丹攻夫餘城下之改夫餘
為東丹府留其子託雲鎮之契丹主卒渤海王
復攻夫餘不能克

宋史太宗太平興國四年賜烏舍城浮渝府渤
海琰府王詔令助攻契丹

按浮渝當即夫餘以音近而訛宋興渤海

隔絕蓋傳聞

舛誤之辭

通考宋太平興國六年定安國王烏元明言臣

本渤海遺黎保據方隅不降契丹夫餘府昨背

契丹並歸本國

按烏氏為渤海大姓夫餘復歸事遼史未載

鄭頡府

新唐書鄭頡府領鄭高二州

鄭州諸書未見當即附郭之柳河縣

地也

遼史東京韓州本橐離國舊治柳河縣高麗置

鄭頡府都督鄭頡二州渤海因之

按渤海州名係鄭高此云

鄭頡疑遼史之誤

今廢太宗置三河榆河二州聖宗併

二州置抑河縣本渤海粵喜縣併萬安縣置河

詳見前靺鞨條榆河在科爾沁右翼前旗遼河在左翼東南四百五十里經左翼後旗八邊又左翼東南四百七十里有阿拉瑪圖城近開原邊外當即遼韓州故城也

遼史天顯元年二月鄭頡府節度來朝三月鄭

頡府叛遣阿敦討平之

金史東京韓州本渤海鄭頡府

高州

遼史上京遂州本高州地西北至上京一千里

按遼中京別有高州此遂州屬上京與鳳州相鄰鳳州亦豪離國地在韓州北二百里西北至上京九百里遂州西北至上京千里則與韓州相去止百里此高州即渤海高州之明證也若中京之高州則唐時信州之地遼聖宗伐高麗以俘戶置在今喀喇沁非渤海之高州也元一統志所稱高州即此

安寧郡

遼史上京鳳州豪離國故地渤海之安寧郡境

在韓州北二百里西北至上京九百里

按鳳州與韓州

相鄰皆豪離故地此安寧郡當為鄭頡府之支郡今附於此

定理府

新唐書挹婁故地為定理府領定潘二州

按潘字遼

史作潘當係此誤

遼史東京定理府刺史故挹婁國地

遼史潘州挹婁縣遼嘗置定理府刺史於此本

挹婁故地大定二十九年章宗更名有范河清

河

按范河清河俱在今鐵嶺縣城南遼定理府刺史之置及定州之廢史文闕略不詳以金

史參考之今鐵嶺一縣近南者為金之挹婁縣則定理府所統而渤海定州安定郡所治也近西者為雙城縣則遼雙州所統也遼始置定理府於挹婁縣繼則省刺史廢定州為雙州與瀋州不復相屬金又廢雙州併雙城入瀋州尚可考見渤海之舊耳

遼史天顯元年二月定理府節度來朝三月定理府叛遣阿敦討平之五月定理府復叛大元帥耀庫濟討之

定州

遼史東京雙州保安軍本挹婁故地渤海置安

定郡統縣一雙城縣本渤海安夷縣地

按渤海屬州亦

有支郡之稱如廬州為杉盧郡穆州為會農郡是也此安定郡為挹婁故地當即定州地遼東京又別有定州不言渤海所置在今朝鮮之平安道五代以前亦屬渤海後高麗復取之至遼聖宗開泰三年伐高麗取其保定二州保州在平壤西北百餘里金初割還朝鮮今安州是也定州在平壤西北三百餘里遼末亦入朝鮮今仍為定州與渤海瀋州隔西京鴨綠府名是而地非也雙城故縣在鐵嶺西六十里金時州廢以縣屬瀋州

瀋州

遼史瀋州本挹婁國地渤海建瀋州故縣九皆

廢統州一縣二

按州一為巖州白巖軍本渤海州所屬之白巖縣遼太宗撥

屬瀋州樂郊靈源二縣則遼太祖所置亦非渤海舊名樂郊為瀋州治所即今承德縣也

遼史敦睦宮以渤海瀋州戶置

金史瀋州本遼定理府地縣五樂郊

按原注云遼置有渾

河當為附郭

章義

遼廣州渤海屬鐵利府

遼濱

遼舊遼州

挹婁

遼嘗置定

理府詳見前

雙城

遼雙州詳見前

遼東行部志瀋州在唐時嘗為高麗侵據高宗

命李世勣東征置安東都護府於平壤城實今
之瀋州也唐季為大氏所有

元一統志瀋陽路本挹婁故地渤海建定理府
都督瀋定二州領定理平邱巖城慕美安夷瀋
水安定保山能利九縣此為瀋州地後罹兵火
其定州與縣並廢即瀋州為興遼軍節度金末
瀋州復燬於兵火

元史瀋陽路本挹婁故地渤海建定理府都督

審定二州此為審州地

明一統志審陽中衛在遼東都司北百二十里

漢遼東郡地渤海置審州

安邊府

新唐書安邊府領安瓊二州

按瓊州遼廢無可考

遼史天顯元年二月安邊府節度來朝三月安

邊府叛遣阿敦討平之

安州

遼史安州刺史兵事隸北女真兵馬司

元一統志歸仁縣故城在咸平府北舊安州金

皇統三年改為縣後廢城址猶存

按渤海瓊州諸書皆缺安

州可見者亦止此歸仁縣全隸咸平府遼舊隸

通州并渤海強師新安二縣地強師屬夫餘府

新安或當屬安州其地應在開原邊外又朝

鮮平安道有安州則為遼之保州非一地也

松漠紀聞自信州二百九十里至安州南鋪

按此

為遼上京至燕之程蓋

自東北而西南行也

率賓府

新唐書率賓故地為率賓府領華益建三州

按華

州無可考當為附郭地

遼史東京率賓府刺史故率賓國地

按遼率賓府在凍州

定理府之間當即渤海舊治

遼史東京康州率賓縣本渤海率賓府地

按康州屬

顯州在渤海為顯德府地當係遼率賓民戶所置非故地也

金史上京率賓

舊訛恤品今改正

路遼時為率賓府置

刺史本率賓故地西北至上京一千五百七十

里東北至呼爾哈

舊作胡里
改今改

一千一百里西南

至海蘭

舊作曷
懶今改

一千二百里北至邊界威伊克

阿林

舊作幹可
阿憐今改

二千里

按恤品即率賓之訛金
史亦作速頻音實相同

也以金史道里計之則率賓故府當在今鄂多
理城之南威伊克阿林今盛京極東北大山
也上無樹木惟生青苔與俄羅斯邊界又明
志建州衛東南有率賓河率賓路之名以此

益州

遼史東京益州觀察屬黃龍府

契丹國志宋政和五年金太祖攻遼取賓祥威

三州進薄益州

按鴨綠江一名益州江則益州實與鴨綠江近當在長白山西

南遼及屬黃龍府遼吏不言仍渤海之舊或因其名而不必即其故地也

建州

元一統志金上京之南曰建州

明實錄永樂二年置建州衛

按我朝肇興之地即渤海

建州之故壤也遼金元皆有建州並在今喀喇沁及土默特境為遼時所移非渤海之舊詳見

前部
族門

東平府

新唐書拂涅故地為東平府領伊蒙沱黑比五

州

按五州可考者惟蒙州餘俱遼時廢

遼史東京遼州本拂涅國城渤海為東平府唐

太宗親征高麗李世勣拔遼城高宗詔程名振

蘇定方討高麗至新城大破之皆此地也太祖

金史

女先破東平府遷民實之故東平府都督

來屬有遼

字與

黑比五州共領縣十八皆廢

河明志章義故

衛西南六十里有遼河羊腸河雒子河蛇山狼山

腸河在廣寧縣城東四十

五里錐子河在廣寧城東北四十里即珠子河也遼河亦經廣寧縣東北二百三十里蛇山一在廣寧城東三十里一在東北九十五里狼山在廣寧城東北二十里今名狼虎山黑山在廣寧城東北八十里又有西黑山在城東北七十里大黑山在城東七十里小黑山在城東北六十里則渤海之東平府實在今廣寧東北也遼東平府治遼濱縣故城在今承德西北

蒙州

遼史祺州

舊訛祺今據金史改

祐聖軍本渤海蒙州地

按遼

祺州統慶雲縣以所俘檀州密雲民建為州治所全廢州以慶雲縣隸咸平府元又廢縣為慶雲驛在今鐵嶺

西北五十里

遼史東京紫蒙縣拂涅國置東平府領蒙州

原本

脫蒙州明志引遼史有之今據增入

紫蒙縣尋徙遼城并入黃嶺

縣渤海復置紫蒙縣遼因之屬遼陽府

沱州

遼史貴德州本漢襄平縣地有沱河

按沱州無可考或因

沱河得名今附見新唐書亦言湄沱湖之鯽為渤海物產之珍也

東平寨

遼史尚州本漢襄平縣地渤海置東平寨

縣遼同州本漢襄平縣遼以

瀋定二州此為遼有柴河北有清河西有遼河遼史作尚

明一統

志襄考遼志別有尚州此東平地當為同州以字相近而誤也

漢遼
遼府

安

新唐書越喜故地為懷遠府領達越懷紀富美

福邪芝九州

按九州可考者惟富美福三州餘俱遼時廢

遼史東京信州本越喜故城渤海置懷遠府武

昌縣本渤海懷福縣地定武縣本渤海豹山縣

地併乳水縣人戶置

金史上京信州本渤海懷遠軍遼開泰七年建

縣一武昌本渤海懷福

地

按懷遠府當在渤海邊界其所統州

為最多可考者惟富美福三州餘盡為遼所廢
考信州故城在今科爾沁左翼東南三百八十
里開原邊外金遼志稱自開原東北至信州三
百十里是也今有古城周一里門八土人猶呼
信州城

富州

遼史東京銀州富國軍本渤海富州太祖以銀

治更名統縣三延津縣本渤海富壽縣境有延
津故城更名新興縣本越喜國地渤海置銀冶
嘗置銀州永平縣本渤海優富縣地

金史咸平府新興縣遼銀州富國軍本渤海富
州熙宗皇統三年廢州更名來屬有范河柴河

遼河

詳前鞞鞞疆域條按渤海富州治富壽縣
遼更富壽為延津更優富為新興金改延

津為新興以隸咸平今鐵嶺縣則渤海之富壽
遼之延津金之新興也又有故新興城在鐵嶺
治東則渤海之優富遼所置新興
縣也又永平廢縣在鐵嶺東北

美州

遼史東京遼州本渤海美州地統縣一山河縣
本渤海縣併黑川麓川二縣置

福州

遼史上京福州國舅蕭寧建南征俘漢民居北
安平故地在原州北二十里西北至上京七百

八十里

按原州在顯州東北三百里史雖不言
福州仍渤海之舊然以他州道里計之

實屬相近其稱
名當有自耳

胡嶠北行記嶠為蕭翰掌書記自翰得罪被鎖

嶠與部曲東之福州翰所治也嶠等東行過一

山名十三山云此西南去幽州二千里又東行

數日過衛州至福州

按十三山在今錦縣城東七十五里去京師不及

二千里嶠蓋約畧之詞衛州當係渭州之訛在顯州東北二百五十里

鐵利府

新唐書鐵利故地為鐵利府領廣汾蒲海義歸

六州

按汾海二州無考遼之海州渤海為南海府另列前條非此州也蓋俱係遼廢

遼史東京鐵利府故鐵利國地

廣州

遼史廣州漢屬襄平高麗為當山縣渤海為鐵利郡太祖遷渤海人居之建鐵利州統和八年省開泰七年以漢戶置

金史瀋州章義縣遼舊廣州皇統三年降為縣來屬有遼河東梁河遼河大口

按東梁河即太子河亦名大梁

河明志章義故城在瀋陽中衛西南六十里有章義站

松漠紀聞瀋州六十里至廣州七十里至大口

蒲州

松漠紀聞興州

見前

四十里至蒲河四十里至瀋

州

元一統志蒲河在瀋陽路源出鐵利國蒲谷流

經蒲水田過故名

按蒲州遼初已廢本鐵利國地自應以蒲河得名以洪皓

所記考之距蒲州四十里今承德縣城西北四十里香爐山蒲河源在焉蒲州之設亦應在此

義州

遼史上京慶州富義縣本義州太宗遷渤海義州民於此重熙元年降義豐縣後更名

遼史上京永州義豐縣本鐵利府義州遼兵破之遷其民於南樓之西北仍名義州重熙元年

廢州改今縣在州西北一百里又嘗改富義縣

屬慶州

原誤泰州
今改正

始末不可具考今兩存之

按富

義義豐當係渤海義州縣名遼徙其民分屬慶永二州非渤海故地

金史義州崇義軍遼宜州天德三年更名

按遼史宜

州崇義軍屬中京東丹王每秋畋於此興宗以
定州俘戶置與錦州相次實今義州地前所載
富義義豐兩縣既云遷義州民於此雖仍舊名
明非故地乃人云本渤海義州此自相矛盾也
合遼金兩史考之似渤海義州之民分徙兩縣
故地已空興宗時方以定州俘戶實之以義為
宜金時始
更正耳

元史大寧路有義州

明一統志義州衛遼宜州金改為義州治宏政

縣元省縣州屬大寧路洪武二十二年置衛

按全

元明之義州即今義州地在遼為宜州俱未言
渤海之舊然考遼史實係東丹王分地為每歲

秋畋之所則實係渤海故壤宜與義或因音同而字異金朝改宜為義正非漫然耳又今義州城西南五十里有古饒慶縣城遼金並無此縣名金義州所屬但有饒慶鎮或即渤海舊縣而金廢為鎮歟

歸州

遼史東京歸州太祖平渤海以降戶置後廢統和二十九年伐高麗以所俘渤海戶復置縣一

歸勝

安遠府

新唐書安遠府領寧郿慕常四州

按寧州慕州俱近朝鮮常

州屬朝鮮平安道之定遠府郿州疑即平安道之買州考元史東寧路本高麗平壤城所屬有定遠府至元六年來歸或即安遠府之地而稍易其名也

寧州

遼史東京寧州觀察統和二十九年伐高麗以

渤海降戶置兵事隸東京統軍司統縣一新安

慕州

遼史東京慕州本渤海安遠府地故縣二慕化

崇平久廢戶二百隸涿州在西北二百里

按遼慕州

移屬涿州鴨綠軍則安遠一府固與今高麗相近又考一統志朝鮮平安道有定遠府有常州當即仍渤海之舊又有買州字義無取疑即郿音之訛也

郿銅涑三州

新唐書郿銅涑三州為獨奏州

按通考文與此同獨奏之義當

猶今直隸州不轄於府而事得專達也

遼史東京郿州渤海置

遼史銅州廣利軍渤海置統縣一析木縣渤海

為花山縣初隸東京後來屬

按金史金廢銅州以析本縣隸澄州

遼史咸州安東軍本高麗銅山縣地渤海置銅

山郡地在漢侯城縣北渤海龍泉府南開泰八

年置州統縣一咸平縣唐安東都護治營平二

州間即此

按渤海諸州間有支郡之稱如盧州之稱杉盧郡定州之稱安定郡是也

此銅山郡亦當為銅州所分治遼析為二州所云在營平間者為得其實至云在龍泉府南則約畧之詞耳至金之銅山縣雖屬咸平府在遼為同州鎮安軍名同而地異亦相附近也

金史咸平府本高麗銅山縣地遼為咸州

遼東行部志咸平本渤海地契丹改為咸州金
為咸平府

元一統志銅山郡故城在咸平府南

元史咸平府古朝鮮地箕子所封漢屬樂浪郡
後高麗有其地唐置安東都護以統之繼為渤
海大氏所據遼平渤海以其地多險隘建城以
居流民號咸州金升咸平府元初因之隸開元
路後復割出隸遼東宣慰司

通考涑州以其近涑沫江蓋所謂粟末水也

遼史東京涑州渤海置

蓋州

遼史辰州本高麗蓋牟城唐太宗會李世勣攻破蓋牟城即此渤海改為蓋州又改辰州以辰

韓

另條見前

得名統縣一建安

按以下四州皆在唐書通考所載六十州

之外今並附於此蓋牟亦稱蓋曷牟金仍改蓋州統縣四湯池即遼鐵州考巖即今岫巖熊岳即遼盧州熊岳縣並金時廢州來屬惟建安高仍遼舊至元時併湯池熊岳入建安又省建安

入蓋州初為蓋州路後併入遼陽路即今蓋平
縣也又熊岳城在蓋州南六十里有熊岳山熊
河岳

崇州

遼史崇州本漢長岑縣地渤海置州故縣三崇

山瀋水綠城皆廢戶五百在京東北一百五十

里

按渤海州名有崇州無崇州崇為中京所屬
與湯興二州相次今遼史以崇州次於湯興

之後而東京所屬別有崇州又不載其沿革
草疑崇字即崇字之訛而崇州又復出也

遼史貴德州貴德縣本漢襄平縣渤海為崇山

縣奉德縣本渤海緣

按此又作緣與前異

城縣地

按金史貴德縣

有范河見前定理府注

集州

遼史集州古睥離郡地漢屬險瀆縣高麗為霜

巖縣渤海置州統縣一奉集縣渤海置

按奉集廢縣在

今撫順城南八十里

金史貴德州奉集縣遼集州奉集縣本渤海舊

縣有渾河

麓州

遼史麓州渤海置

按唐書通考渤海無此州名遼史載其名而不詳其地又

遼乾州所屬之司農縣本渤海麓郡縣併麓波雲川二縣入焉亦未詳渤海所隸之州今附於此乾州為漢無慮縣地因醫巫閭得名或麓州麓郡亦因附北鎮之麓而名歟

謹按渤海五京五府之外為長嶺等十府長嶺在吉林西南夫餘府在開原鄭誦在開原邊外科爾沁界定理府在鐵嶺以南承德界安邊府亦在開原邊外率賓府與

本朝

發祥之鄂多理城相近東平府在廣寧東北懷遠府在
鐵嶺鐵利府濱太子河安遠府在高麗界其後
所屬之州半為遼時廢併而因革可溯者尚多
又有郢銅涑三州不隸於府合之十五府所屬
共為州六十與所稱六十二州之數不符考之
遼史則又別出蓋崇集麓四州唐書通考皆未
之載與六十二州之數亦不合今以地理考之

蓋集二州與顯德府屬之鐵州廬州相近當時
或間有省併而史不能詳崇州疑即榮州以字
形相近而訛麓州則史文殊畧今附列於諸州
之後而支郡之可考者亦各附於本條至若古
今沿革及山川道里有足證據臚注於下凡史
文舛誤及名同而地異者並加訂正用資參考
云

欽定滿洲源流考卷十

欽定四庫全書

欽定滿洲源流考卷十一

疆域 四

遼東北地界

北盟會編遼太祖遷女真大姓數千戶置遼陽

之南使不得與本國相通名曰哈斯罕

舊作合蘇疑又

作昌蘇館今改正按滿洲語哈斯罕藩籬也據此云使不得與本國往來實有防閑之意與滿

洲語意相合

謂之熱女真

按滿洲語稱國初所屬曰佛滿珠謂舊滿洲也新

附編入旗分者伊徹滿珠謂新滿
洲也此所云生熟蓋即新舊之意
自咸州東

北分界入山谷至於粟末江中間所居隸咸州
兵馬司許與本國往來非熟女真亦非生女真
也自粟末之北寧江之東北處界外者則謂之
生女真遼國沿邊置東京黃龍府兵馬都部署
司咸州湯河兵馬司東北路統軍司分隸之謂
之羈縻道

契丹國志東南至新羅

另條
見前

國西以鴨綠江東

八里黃土嶺為界至保州十一里次東南至五

節度熟女真國係契丹樞密院所轄差契丹或

渤海人充節度管押西北至東京五百餘里又

次東南至熟女真國

按此疑即自成州至粟末江之部然志文殊未明晰

不屬契丹所管去東京二百餘里東北至生女

真國契丹常設防備西南去東京六百里又東

北至烏舍

滿洲語皮條也舊作烏惹今改正

國阿里瑪

蒙古語製也舊

作阿里眉今改正

國布庫里

蒙古語整全也舊作破骨魯今改正

國各一

萬戶衣裝言語與女真異西去上京四千餘里

又東北至鐵驪

見前鞑靼

國次東北至鞑靼國

按

鞑靼即女真國舊名此分為二國殊誤蓋作志者撫拾舊文未足為據

遼上京長春州

遼史長春州本鴨子河春獵之地興宗重熙八

年置統縣一長春縣本混同江地戶二千

按遼上京

臨潢府在今巴林阿魯科爾沁扎魯特等地方惟長春一州濱混同江今杜爾伯特扎魯特皆州

之北境則遼長春州當與今白都訥相近

遼史兵衛志長春縣丁四千

金史泰州承安二年置於長春縣北至邊四百
里南至懿州八百里東至肇州三百五十里戶
三千五百四縣一長春遼長春州天德二年降
為縣隸肇州承安三年來屬

遼史春巴納

舊作納鉢今改正按滿洲語巴納地方也蓋指遊獵之地而言曰

鴨子河灤皇帝正月上旬起牙帳約六十日方
至天鵝未至卓帳冰上鑿冰取魚冰泮乃縱鷹

鵲捕鵞雁晨出暮歸鴨子河濼東西二十里南
北三十里在長春州東北三十五里四面皆沙
塢多榆柳杏林

契丹國志每歲正月上旬出行射獵凡十六日
然後並洮爾河鑿冰釣魚冰泮即縱鷹鵲以捕

鵞雁

按通史本紀載聖宗太平四年改鴨子河
為混同江塔魯河為長春河然又屢以鴨

子混同二水並稱即金史亦並稱鴨子混同據
契丹國志則鴨子即塔魯河今洮爾河也又契

丹國志云太宗破晉改粟末河為混同
江史志傳訛未有確據並詳後山川門

大金國志太祖十四年遼天祚帝率蕃漢兵十餘萬出長春路分五部北出駱駝口太祖乘其未陣三面擊之天祚大敗退保長春太祖乘勝遂平渤海遼陽等五十四州

遼東京遼陽府

遼史東京遼陽府本朝鮮之地後為渤海大氏所有號中京顯德府太祖攻渤海俘其王大誣譏以為東丹王國神冊四年葺遼陽古城以渤

海漢戶建東平郡為防禦州天顯三年遷東丹
國民居之升為南京城名天福高三丈有樓櫓
幅員三十里八門東曰迎陽東南曰韶陽南曰
龍原西南曰顯德西曰大順西北曰大遼北曰
懷遠東北曰安遠宮城在東北隅高三丈具敵
樓南為三門壯以樓觀四隅角樓相去二里外
城謂之漢城東至烏爾呼赫

滿洲語偏也舊作
烏魯虎克今改

四百里南至海邊鐵山八百六十里西至望平

縣海口三百六十里北至挹樓縣范河二百七
十里東西南三面抱海天顯十三年改南京為
東京府曰遼陽戶四萬六百轄州府軍城八十
七統縣九遼陽縣本漢涇水縣戶一千五百仙
鄉縣本漢遼陽縣戶一千五百鶴野縣本漢居
就縣地戶一千三百析木縣本漢望平縣地戶
一千紫蒙縣本漢鏤方縣地戶一千興遼縣本
漢平郭縣戶一千肅慎縣以渤海戶置歸仁縣

順化縣

案歸仁順化二縣沿革未詳

元一統志東丹王故宮在遼陽路按本路圖冊

在府之東北隅有讓國皇帝御容殿

明一統志鶴野廢縣在遼東都司城西八十里

元省入遼陽縣

開州

遼史開州鎮國軍節度本歲地渤海為龍原府

詳見前
渤海條

開泰三年遷雙韓二州千餘戶實之號

開封府開遠軍節度更名鎮國軍隸東京留守

兵事屬東京統軍司統州三縣一開遠縣本龍

原縣

詳前
海條

遼初廢聖宗東討復置以軍額名

戶一千

遼史鹽州本龍河郡

詳前
海條

隸開州相去一百

四十里

遼史穆州保和軍刺史本會農郡

詳前
海條

戶三

百東北至開州一百二十里統縣一會農縣

遼史賀州刺史本吉理郡

詳前
海條

戶三百隸開

州

定州

遼史定州保寧軍高麗置州聖宗統和十三年

升軍遷遼西民實之統縣一定東縣高麗所置

遼徙遼西民實之戶八百

保州

遼史保州宣義軍節度高麗置州故縣一曰來

遼聖宗以高麗王詢擅立問罪取其保定二州
統和末高麗降於此置椎場隸東京統軍司縣
一來遼縣初徙遼西諸縣民實之又徙奚漢兵
七百防戍馬戶一千

遼史宣州定遼軍刺史開泰三年徙漢戶置隸
保州

遼史懷化軍下刺史開泰三年置隸保州

辰州

遼史辰州奉國軍節度本蓋牟城渤海改為蓋

州

詳見前
渤海條

遼徙其民於祖州初曰長平軍戶二

千統縣一建安縣

元一統志蓋州地最要衝稱為繁富契丹移其
民於上京西祖州後陞為長平軍

盧州

遼史盧州元德軍刺史本渤海杉盧郡

詳前
渤海條

統縣一熊岳縣西至海一十五里傍海有熊岳

山

明一統志熊岳廢縣在蓋州衛南六十里遼為

廬州治所金屬蓋州元省

按今有熊岳城

來遼城

遼史來遼城本熟女真地統和中伐高麗以燕

軍驍猛置兩指揮建城防戍兵事屬東京統軍

司

元一統志來遼城本熟女真地遼伐高麗於此

建城先是侵高麗軍敗值冬雪彌旬不止人馬
多斃軍會鴨綠江餘軍漂溺遼主隆緒次來遠
界有防邊猛軍數十人遇而刼之逮問所從來
開襟示其金製環甲衆軍驚散遼主至遼城收
不在營中者誅之金陞來遠軍

鐵州

遼史鐵州建武軍刺史本漢安市縣地

詳前渤海條

統縣一湯池縣

鴨江行部誌湯池縣本遼時鐵州

明一統志安市廢縣在蓋州衛東七十里故鐵州金為湯池縣元省

興州

遼史興州興中軍節度本漢海宜縣地

詳前渤海條

北盟會編第二十四程至梁魚務過遼河二十

七程至興州

許亢宗奉使行程錄自瀋州七十里至興州遼

金史卷之八十一
卷十一
太祖破渤海建為東京路自此所至居民稍盛
食物充足

湯州

遼史湯州本漢襄平縣地

詳前渤海條

崇州

遼史崇州隆安軍刺史本漢長岑縣地

詳前渤海條

統縣一崇信縣

海州

遼史海州南海軍節度本沃沮

另條見前

國地渤海

號南京南海府

詳前海條

太平中大延琳叛南海

城堅守經歲不下別部酋長皆被擒乃降因盡

徙其民於上京移澤州民來實之戶一千五百

統州二縣一臨濱縣

明一統志臨濱廢縣在海州衛東一百八十里

遼置金屬澄州元省

遼史耀州刺史本渤海椒州

詳前海條

隸海州統

縣一巖淵縣

明一統志廢耀州在海州衛西南二百里

遼史嬪州柔遠軍刺史本渤海晴州

詳前渤海條

元一統志遼太平九年渤海大延琳叛盡徙南

海府人於上京之北移澤州民以實其城仍號

南海府金改海州又改澄州又廢嬪州為新昌

鎮入焉

涿州

遼史涿州鴨綠軍本高麗故國渤海西京鴨綠

府

詳前渤海條

大延琳叛遷餘黨於上京置易俗縣

居之在者戶二千隸東京留守司統州四縣二

宏聞縣神鄉縣

桓州

豐州

正州

慕州

俱詳前渤海條惟慕州渤海別屬安遠府遼移屬涿州

顯州

遼史顯州奉先軍上節度本渤海顯德府地

詳前

渤海

世宗置以奉顯陵顯陵者東丹人皇王墓

也人皇王性好書購書數萬卷置醫巫閭山絕頂築堂曰望海大同元年世宗親護人皇王靈駕歸自汴京以人皇王愛醫巫閭山水奇秀因葬焉州在山東南遷東京三百餘戶以實之應歷元年穆宗葬世宗於顯陵西山仍禁樵採兵

事屬東京都部署司統州三縣二奉先縣本漢
無慮縣即醫巫閭世宗析遼東長樂縣民以為
陵戶山東縣本漢望平縣世宗割渤海永豐縣
民為陵戶歸義縣初置顯州渤海民自來助役
世宗嘉憫因籍其人戶置縣

金史天輔元年拔顯州乾懿豪徽成川惠等州
皆降

許亢宗奉使行程錄自錦州八十里至劉家莊

自劉家莊一百里至顯州

遼史嘉州嘉平軍下刺史隸顯州

遼史遼西州阜成軍中刺史本漢遼西郡地世

宗置州屬顯州統縣一長寧縣統和八年以諸

宮提轄司人戶置

遼史康州下刺史世宗遷渤海率賓府人戶置

屬顯州縣一率賓縣

詳前渤海條

遼東行部誌廣寧本陽羅郡渤海顯德府遼世

宗改顯州

宗州

遼史宗州下刺史在遼東石熊山耶律隆運以
所俘漢民置聖宗立為州統縣一熊山縣本渤
海縣地

乾州

遼史乾州廣德軍上節度本漢無慮縣地聖宗
統和三年置以奉景宗乾陵有凝神殿兵事隸

東京都部署司統州一縣四奉陵縣本漢無慮縣地括諸落帳戶助營山陵延昌縣析延昌宮戶置靈山縣本渤海靈峯縣地司農縣本渤海

麓郡縣

詳前渤海條

元一統志乾州故城在廣寧府西南七里遼統和二年立今基址頽然

遼東行部誌間陽遼乾州也去廣寧五里

北盟會編離顯州七里別建乾州以奉陵寢

明一統志乾州城在廣寧衛西南七里

遼史海北州廣化軍中刺史世宗以所俘漢戶
置地在間山之西南海之北初隸宣州後屬乾
州統縣一開義縣

明一統志開義廢縣在義州衛南四十里遼置
為海北州治所全屬義州元省

貴德州

遼史貴德州寧遠軍下節度本漢襄平縣地漢

金史卷八十一
公孫度所據太宗時察克

蒙古語時也舊以所作察割今改正

俘漢民置州聖宗建貴德軍後更名兵事屬東

京都部署司統縣二貴德縣本漢襄平縣渤海

為崇山縣奉德縣本渤海緣城縣地嘗置奉德

州

詳前渤海條崇山緣城並渤海崇州縣名緣城又作綠城

元一統志貴德州今廢為巡檢司

元一統志公孫廢城在貴德州漢末公孫度為

遼東太守治襄平傳子至孫據有其地遺址猶

存

元一統志大寶城在廢貴德州

瀋州

遼史瀋州昭德軍中節度本挹婁國地渤海置

州

詳前勅
海條

太宗置興遼軍後更名兵事隸東京

都部署司統州一縣二樂郊縣太祖俘薊州三

河民建三河縣後更名靈源縣太祖俘薊州吏

民建漁陽縣後更名

大金國志太祖十五年渤海人高永昌自稱大
渤海國皇帝據有遼東五十餘州遼主遣張琳
討之至瀋州女真遣兵來援琳敗績

許亢宗奉使行程錄自顯州一百五十里至梁

漁務又一百三十里至摩綽

滿洲語拙也舊
作沒咄今改正

寨

又八十里至瀋州

遼史巖州白巖軍下刺史本渤海白巖城

見前
渤海

條
統縣一白巖縣

元一統志瀋陽渤海建定理府都督瀋定二州
此為瀋州地後罹契丹兵火其定州與縣並廢
即瀋州為興遼軍又更昭德

集州

遼史集州懷衆軍下刺史古罨離郡地

詳前
海條

統縣一奉集縣

明一統志奉集廢縣在撫順千戶所南八十里

漢為險瀆縣金屬貴德州

廣州

遼史廣州防禦漢屬襄平縣渤海為鐵利郡

詳前

渤海條

太祖遷渤海人居之建鐵利州統和八年

省開泰七年以漢戶置統縣一昌義縣

金史瀋州章義縣遼舊廣州皇統三年降為縣
有遼河東梁河

明一統志章義廢縣在瀋陽衛西南六十里遼
置廣州金改為縣屬瀋州元省

遼州

遼史遼州始平軍下節度渤海為東平府

詳前
渤海

條

太祖改為州軍曰東平太宗更為始平軍兵

事屬北女真兵馬司統州一縣二遼濱縣安定

縣

明一統志遼濱廢縣在瀋陽衛西北一百八十

里本拂涅國

另條
見前

地遼為遼州治金貞祐時廢

遼史祺州祐聖軍本渤海蒙州地

詳前
渤海條

太祖

以檀州俘戶於此建檀州後更名兵事屬北女
真兵馬司統縣一慶雲縣太祖俘密雲民於此
建密雲縣後更名

遂州

遼史遂州本渤海美州地

詳前渤海條

採訪使耶律

佛德

滿洲語令其上繫之謂舊作頗德今改正

置穆宗沒入焉隸延

昌宮統縣一山河縣

通州

遼史通州安遠軍渤海號夫餘城

詳前
渤海條

太

祖改龍州聖宗更今名保寧七年以黃龍府叛人燕頗餘黨千餘戶置陞節度統縣四通遠縣安遠縣歸仁縣漁谷縣

韓州

遼史韓州東平軍下刺史高麗置鄭頡府

詳前
渤海

條太宗置三河榆河二州聖宗併二州置隸延

昌公兵事屬北女真兵馬司統縣一柳河縣

遼東行部誌癸酉次柳河縣舊韓州也先徙州
於奚營州後改為縣又以城近柳河故以名之
乙亥次韓州遼聖宗時併三河榆河二州為韓
州三河本燕之三河遼俘其民於此置州故因
其舊名而故城在遼水之側常苦風沙移於白
塔寨後為遼水所侵移於今柳河縣又以州非
衝途即徙於舊九百奚營即今所治是也

元一統志柳河縣故城本粵喜

見前
鞞條

地後置

縣以其地近柳河故名契丹併入安方縣今城

址猶存

案遼史柳河縣本渤海粵喜縣地併萬安縣置此作安方誤

雙州

遼史雙州保安軍下節度渤海安定郡

詳前渤海條

久廢察克

詳見前原文作歐里僧王而下文又作察割係一人而名字互稱今改正

從太宗南征以俘鎮定二州之民建城置州後

沒入馬初隸延昌宮後屬崇德宮兵事隸北女

真兵馬司統縣一雙城縣

銀州

遼史銀州富國軍下刺史本渤海富州

詳前
海條

太祖以銀冶更名隸宏義宮兵事屬北女真兵
馬司統縣三延津縣有延津故城新興縣永平
縣舊有永平寨

許亢宗奉使行程錄離興州五十里至銀州又
四十里至咸州

同州

遼史同州

舊訛尚州金史作同考遼史東京鎮道別有尚州此為同州無疑今改

遠軍下節度本漢襄平縣地太祖置州軍曰鎮

東後更名隸彰德宮兵事屬北女真兵馬司統

州一未詳縣二東平縣本漢襄平縣地產鐵撥

戶三百採鍊隨征賦輸永昌縣本高麗永寧地

北盟會編二十八程至咸州二十九程至同州

州地平壤居民所在成聚落耕種殆遍地宜稼

黍

許亢宗奉使行程錄自咸州九十里至同州

咸州

遼史咸州安東軍下節度渤海置銅山郡

詳前
渤海

條地多山險寇盜以為淵藪乃招平營等州客

戶建城居之初號浩里

蒙古語例也舊
作郝里今改正

太保城

開泰八年置州兵事屬北女真兵馬司統縣一

咸平縣唐安東都護天寶中治營平二州間即

此太祖滅渤海復置安東軍開泰中置縣

金完顏羅索碑宗室烏楞古

滿洲語臍也舊略訛幹魯古今改略

地咸州王

按羅索封金源郡王

合兵禦之乃往敗其戍兵

三千於境斬其將遂會烏楞古既而聞敵兵且至王留四穆昆精銳各守一門與烏楞古濟水分兩翼王居左翼敗其所衝追殺略盡烏楞古軍却退與所留諸穆昆整陣而立王返兵擣敵背大敗之咸州既下因徇地黃龍府

北盟會編二十七程至興州二十八程至咸州

許亢宗奉使行程錄自興州九十里至咸州

信州

遼史信州彰聖軍下節度渤海置懷遠府

詳前
渤海

條

開泰初置州以所俘漢民實之兵事屬黃龍

府都部署司統州三未詳縣二武昌縣本渤海

懷福縣地析平州提轄司及豹山縣一千戶隸

之定武縣本渤海豹山縣地析平州提轄司併

乳水縣人戶置初名定功縣

許亢宗奉使行程錄自同州四十里至信州

元一統志黃龍府西曰信州

賓州

遼史賓州懷化軍節度本渤海城統和十七年
遷烏舍戶置刺史於鴨子混同二水之間後升

兵事隸黃龍府都部署司

金史太祖十三年命布呼

滿洲語鹿也舊訛僕廼今改正等攻

拔賓州烏舍楚古爾蘇

蒙古語杉木也舊作雞鵲室今改正

來降

遼將徹格爾

蒙古語潔淨也舊作赤狗兒今改正

戰於賓州布呼

敗之鐵驪王以所部降

松漠紀聞翁舍展

舊作溫熱者今從八旗姓氏通譜改

國不知其

始所居後為契丹徙置黃龍府南百餘里曰賓

州州近混同江即古之粟末河也部落雜處以

其族之長為千戶統之

松漠紀聞契丹自賓州混同江北八十里建寨

守禦女真

契丹國志宗政和五年金太祖攻遼破賓州

龍州

遼史龍州黃龍府本渤海夫餘府

詳前渤海條

太祖

平渤海還至此崩有黃龍見更名保寧七年軍

將燕頗叛府廢開泰九年遷城於東北以宗州

檀州漢戶一千復置統州五縣三黃龍縣遷民縣永

平縣

金史收國元年八月上親征黃龍府次混同江

無舟上乘馬徑涉九月克黃龍府

許亢宗奉使行程錄自信州九十里至府魯

滿洲

語優長也舊作蒲里今改

貝勒寨又四十里至黃龍府遼太

祖射黃龍於此地自黃龍府東行六十里至托

色

滿洲語權也舊作托撒今改

貝勒寨府為契丹東寨當強

盛時俘獲異國人遷徙雜處於此南有渤海北

有鐵驪托歡

蒙古語鑿也舊作吐渾今改

東南有高麗東有

女真室韋北有烏舍西北有輝和爾党項西南

有奚故此地雜諸國風俗

元一統志賓州之西曰黃龍府即石晉少帝初

安置之地

遼史益州觀察屬黃龍府統縣一靜遠縣

金史收國元年正月上自將攻黃龍府進臨益

州州人走保黃龍取餘民以歸留羅索見前尼楚

赫滿洲語珠也舊作銀術可今改守黃龍上率兵趨達魯噶城

蒙古語頭目也舊作達魯古今改次寧江州西

許亢宗奉使行程錄自托色貝勒寨九十里至

曼濟勒噶

蒙古語纓絡也舊作漫七離今改

貝勒寨道旁有契

丹舊益州賓州空城又六十里至古烏舍寨寨

枕混同江過江四十里至呼勒希

滿洲語憑蒙也舊作和里

開今改寨又東行五里即有潰堰斷塹自北而南

莫知遠近界隔甚明乃契丹昔與女真兩國古

界也八十里直至拉林河

遼史安遠州懷義軍刺史屬黃龍府

遼史威州武寧軍刺史屬黃龍府

契丹國志宋政和五年金太祖攻遼破威州

遼史清州建寧軍刺史屬黃龍府

遼史雍州刺史屬黃龍府

湖州

遼史湖州興利軍刺史渤海置兵事隸東京統
軍司統縣一長慶縣

渤海州

遼史渤海清化軍刺史渤海置兵事隸東京統
軍司統縣一貢珍縣

郢州

遼史郢州彰聖軍刺史渤海置兵事隸北女真
兵馬司統縣一延慶縣

銅州

遼史銅州廣利軍刺史渤海置兵事隸北兵馬
司統縣一析木縣本漢望平縣地初隸東京後

來屬

明一統志析木廢縣在海州衛東南四十里渤海花山縣遼改析木置銅州金屬澄州元省

涑州

遼史涑州刺史渤海置兵事屬南兵馬司

詳前
渤海

條

率賓府

遼史率賓府刺史故率賓國地

詳前
渤海

定理府

遼史定理府刺史故挹婁國地

詳前渤海條

鐵利府

遼史鐵利府刺史故鐵利國地

詳前渤海條

安定府

遼史僅存其名不載沿革

長嶺府

遼史不詳沿革當仍渤海之舊詳見渤海條

鎮海府

遼史鎮海府防禦兵事隸南女真湯河司統縣

一平南縣

冀州

遼史冀州防禦聖宗建升永安軍

東州

遼史東州以渤海戶置

尚州

遼史尚州以渤海戶置

吉州

遼史吉州福昌軍刺史

遼史不詳沿革

麓州

遼史麓州下刺史渤海置

見前渤海條

荊州

遼史荊州刺史

遼史僅存其名不載沿革

懿州

遼史懿州寧昌軍節度太平三年越國公主以

媵臣戶置初曰慶懿軍更曰廣順軍隸上京清

寧七年宣懿皇后進入改今名統縣二寧昌縣

本平陽縣順安縣

按遼史有兩懿州一載東京道一載上京道據史初更廣

順軍隸上京則實一州也第此云本越國公主而上京又稱聖宗女燕國長公主為小異考聖宗女為越國公主燕長主則聖宗之姑史必有一誤遼東行部誌亦同州在顯州東北三百里西北至上京八百里戶四千

遼東行部志懿州古遼西郡即柳城之域有寶巖寺遼聖宗女燕長主所建

元一統志豪州本遼時懿州金皇統三年省入

順安縣後復置國朝初因之至元六年省入順安縣

明一統志廢懿州在廣寧衛北二百二十里嘗置衛於此永樂八年廢

滕州

遼史滕州昌永軍刺史

史不載沿革以州名按之亦當為滕戶所置

順化城

遼史順化城嚮義軍下刺史開泰三年以漢戶

置兵事隸東京統軍司

寧州

遼史寧州觀察統和二十九年伐高麗以渤海降戶置兵事隸東京統軍司統縣一新安縣

衍州

遼史衍州安廣軍防禦以漢戶置初刺史後升軍兵事屬東京統軍司統縣一宜豐縣

金史遼舊衍州安廣軍皇統三年廢為宜豐縣

有東梁河

按遼志東梁河亦曰大梁河今太子河也舊名衍水燕太子丹亡匿衍水

即此遼之州名當取諸此

明一統志宜豐廢縣在遼東都司城西南一百里遼置衍州金屬遼陽府元省入遼陽

連州

遼史連州德昌軍刺史以漢戶置兵事屬東京
統軍司統縣一安民縣

歸州

遼史歸州觀察太祖平渤海以降戶置後廢統
和二十九年伐高麗以所俘渤海戶復置兵事
屬南女真湯河司統縣一歸勝縣

蘇州

遼史蘇州安復軍本高麗南蘇城興宗置州兵
事屬南女真湯河司統縣二來蘇縣懷化縣

松漠紀聞東京有蘇扶等州蘇與中國登州青
州相直東丹王封於此謂之人皇王不得立自

蘇乘筏浮海歸唐

鴨江行部志自永康次順化營中途望西南兩
山巍然浮於海上訪諸野老云此蘇州關也遼
之蘇州今為化成縣關禁設自有遼以其南來
舟楫非出此途不能登岸相傳隋唐之伐高麗
兵糧戰艦亦自此來南去百里有山曰鐵山常
屯甲士七千人以防海路

復州

遼史復州懷德軍節度興宗置兵事屬南女真
湯河司統縣二永寧縣德勝縣

元一統志廢復州本遼遷民縣屬黃龍府後置
復州號永寧軍節度改縣曰永寧後又更為永
康省豐水扶羅入焉金因之所居皆漢民地甚

肥沃有耕稼之利

按前明設復州衛
本朝仍為復州

肅州

遼史肅州信陵軍重熙十年州民亡入女真取

之復置兵事隸北女真兵馬司統縣一清安縣
許亢宗奉使行程錄自咸州四十里至肅州又
五十里至同州

遼東行部誌清安縣世傳遼太祖始置為肅州
金為縣

元一統志清安縣故城在咸平府西北舊肅州
安州

遼史安州刺史兵事隸北女真兵馬司

遼東行部誌歸仁縣遼時為安州

元一統志歸仁縣故城在咸平府北舊安州

榮州

率州

荷州

源州

渤海州

以上五州遼史僅載其名不詳沿革

寧江州

遼史寧江州混同軍觀察清寧中置初防禦後
升兵事屬東京統軍司統縣一混同縣

金史本紀太祖進軍寧江州十月朔克其城次
拉林城

大金國志太祖十三年起兵攻混同之東寧江
州敗高仙壽取寧江遼再遣蕭嗣先屯珠赫

滿洲

語冰也舊作
出河今改

店臨白江與寧江州女真兵對壘

女真潛渡混同江掩擊之嗣先兵潰

松漠紀聞寧江州去冷山百七十里地苦寒多
草木如桃李之類皆成園至八月則倒置地中
封土數尺季春出之否則凍死每春冰始泮遼
主必至其地鑿冰釣魚放弋為樂暨金祖起兵
首破此州

河州

遼史河州德化軍置軍器坊

詳前
海條

祥州

遼史祥州瑞聖軍節度興宗以鐵驪戶置兵事

隸黃龍府都部署司統縣一懷德縣

契丹國志宋政和五年金太祖攻遼破祥州

金史太祖十三年烏達布

滿洲語買也舊作吾睹補今改

復敗

徹格爾蕭伊蘇

蒙古語九數也舊作一薛今改

於祥州東斡彈

滿洲語奧也舊作幹勿今改

等兩路降

遼營衛 阿延女真

遼史阿延

滿洲語尊大也舊作奧衍今改

女真部聖宗以女真

戶置隸北府節度使屬西北招討司戍鎮州境

伊德女真

遼史伊德

蒙古語有力也舊作乙典今改

女真部聖宗以女真

戶置隸南府居高州北

五國部

遼史五國部博和哩

滿洲語豌豆也舊作剖阿里今改

國博諾

滿洲語電也舊作盆奴今改

國鄂羅木

蒙古語渡口也舊作奧里米今改按寧古

塔東北有鄂羅木噶珊

國伊埒圖

滿洲語明顯也舊作越里篤今改

國伊

勒希

滿洲語副也舊作越里吉今改

國聖宗時來附居本土以

鎮東北重熙六年設節度使領之

大金國志宋二帝自韓州徙五國城五國城者

在西樓東北千里

北盟會編五國之東接大海出海東靑女真每發甲馬千餘人入五國界即東海巢穴取之與五國戰鬪而後得

金史景祖時五國博諾

舊作蒲鼎即盆奴也今併改

部節度

使叛遼鷹路不通景祖襲而擒之

金史遼咸雍八年五國穆延

舊作沒撚今從八旗姓氏通譜改

部舍音

滿洲語白色也舊作謝野今改

貝勒叛遼鷹路不通景

祖伐之舍音敗走

元一統志開元路三京故國五國舊城東北一

都會也

案元之開元路所統至廣據元一統志所載長白山亦在境內東極於使大路

非止今一縣地也

元一統志混同江發源長白山北流經渤海建

州西五十里會諸水東北流經上京下達五國
頭城北又東北注於海

明一統志五國頭城在三萬衛北一千里自此

而東分為五國舊傳宋徽宗葬於此

按五國城之說不一

或謂寧古塔東松花黑龍二江合流之處有土城焉或以為在朝鮮北境近寧古塔有古城在

山上或以為去燕京三千八百里西至黃龍府二千一百里或謂寧古塔相近穆頭街有舊城

址五疑即是也據金太宗本紀云天會六年徙昏德公重昏侯於韓州八年再徙呼爾哈路則

賢在寧古塔也宋史稱韓州五國城誤合為一地第諸書皆約畧之辭未有實據今三姓地方

相傳有五
國城遺址

謹案遼東北之境與完顏部為隣白山黑水雖
隔封外而壤地相錯經界分合之故史乘尚有
可稽其最近者上京之長春州東京之寧江州
皆混同江之地長春州遼時春蒐已納在馬寧
江則金太祖起兵首集大勲於此按之

皇輿全圖長春當近白都訥寧江實傍拉林河次若
黃龍府賓咸等州並都會衝要遼金百戰之區

亦與混同江相近行程里數具存其餘遼瀋諸
州東京規畫所關不容罣漏且里至遠近亦藉
以考見若中京則相去稍遠不復贅列焉至遼
金舊界諸書尚約畧可考遼史營衛志所載阿
延伊德二部蓋女真之係遼籍者五國城之說
紛然不一遼史各有國名大約在寧古塔以東
東接大海而五國城則為五國至遼總集之所
蓋五國部節度使所治之城所云自此而東分

為五國者近之亦不越寧古塔境內初不必有
舊城址五而後為是也並附於末用資參考云



欽定滿洲源流考卷十一